



Bosnia and Herzegovina
Federation of Bosnia and Herzegovina

CANTON SARAJEVO
Ministry of Economy

Broj: 07-04-19-15170-5/19
Sarajevo, 21.05.2019. godine

Na osnovu Zakona o poticaju razvoja male privrede ("Službene novine Kantona Sarajevo", broj: 29/15), člana 4. stav (1) Pravilnika o postupcima u provođenju Programa razvoja male privrede ("Službene novine Kantona Sarajevo", br. 17/16, 30/16, 42/16 i 21/17) i tačke III Programa utroška sredstava sa kriterijima raspodjele sredstava "Poticaj razvoju male privrede" za 2019. godinu (Odluka, broj: 07-04-19-15170-3/19 od 14.05.2019. godine), Ministarstvo privrede Kantona Sarajevo objavljuje

JAVNI POZIV
za odabir korisnika poticajnih sredstava "Poticaj razvoju male privrede"
u Kantonu Sarajevo za 2019. godinu

I PREDMET POZIVA

- a)** Predmet Javnog poziva je prikupljanje prijave za odabir korisnika poticajnih grant sredstava za subvencioniranje/sufinansiranje programa/projekata u skladu sa: Zakonom o poticaju razvoja male privrede ("Službene novine Kantona Sarajevo", broj: 29/15), Odlukom o donošenju Programa utroška sredstava sa kriterijima raspodjele sredstava "Poticaj razvoju male privrede" za 2019. godinu i kriterijima za bodovanje zahtjeva za dodjelu poticajnih sredstava, broj: 07-04-19-15170-3/19 od 14.05.2019. godine (u daljem tekstu: Odluka) i Pravilnikom o postupcima u provođenju Programa razvoja male privrede (u daljem tekstu: Pravilnik).
- b)** Sredstva Budžeta Kantona Sarajevo namijenjena korisnicima grant sredstava "Poticaj razvoju male privrede" za 2019. godinu ne mogu se koristiti kao poticajna sredstva za sljedeće djelatnosti: proizvodnja oružja i vojne opreme, proizvodnja duhanskih proizvoda i alkoholnih pića, primarnu poljoprivredu, otvaranje kasina i drugih igara na sreću.
- c)** Pojam subjekti male privrede podrazumjeva fizička i pravna lica, koja trajno obavljaju zakonom dozvoljene djelatnosti radi ostvarivanja dohotka odnosno dobiti, na način kako je propisano Zakonom o poticaju razvoja male privrede (u daljem tekstu: Zakon).
- d)** U skladu sa članom 16. stav (2) Pravilnika, subjekt male privrede koji je dva puta uzastopno po istom programu koristio poticajna grant sredstva Ministarstva nema pravo učešća u Javnom pozivu Ministarstva dvije godine, računajući od zadnje godine u kojoj su mu sredstva odobrena.
- e)** Programi/projekti se subvencioniraju/sufinansiraju sredstvima Budžeta Kantona Sarajevo - Ministarstvo privrede, sa pozicije: "Podsticaj razvoja male privrede", ekonomski kod 614300 ("Službene novine Kantona Sarajevo", broj: 6/19) i odnose se na sljedeće:



web: <http://mp.ks.gov.ba>
e-mail: mp@mp.ks.gov.ba
Tel: + 387 (0) 33 562-121, + 387 (0) 33 562-122
Fax: + 387 (0) 33 562-226
Sarajevo, Reisa Džemaludina Čauševića 1



1. Program: Subvencioniranje kamata po preuzetim kreditima
2. Program: Unaprjeđenje institucijske preduzetničke infrastrukture
3. Program: Poticaj u primjeni tehničkih normi i standarda kvalitete
4. Program: Unaprjeđenje rada udruženja obrtnika
5. Program: Stari zanati - Subvencija troškova nabavke osnovnog materijala, alata i sl.
6. Program: Poticaj novoosnovanim – start up subjektima male privrede
7. Program: Poticaj razvoja ženskog preduzetništva
8. Program: Poticaj za unaprjeđenje IT preduzetništva
9. Program: Pružanje stručne i savjetodavne pomoći za subjekte male privrede
10. Program: Podrška razvoju kreativne industrije

II PROGRAMI

1. Program: Subvencioniranje kamata po preuzetim kreditima

Pravo učešća

Pravo na dodjelu poticajnih grant sredstava za subvencioniranje troškova kamata po preuzetim kreditima ostvaruju subjekti male privrede definisani u skladu sa Zakonom o poticaju razvoja male privrede koji: imaju sjedište na prostoru Kantona Sarajevo, imaju najmanje jednog zaposlenika na neodređeno vrijeme, koji u skladu sa Obavještenjem o razvrstavanju pravnog lica prema klasifikaciji djelatnosti imaju registrovanu djelatnost unutar sljedećih područja Klasifikacije djelatnosti KD BiH 2010 ("Službeni glasnik BiH", broj 47/10): Područje C – Prerađivačka industrija (osim sljedećih oblasti: 11; 12; 19; 29; 30; oblasti 20 grana 20.5; oblasti 25 grana 25.4 i oblasti 28 grana 28.3), Područja F – Građevinarstvo, oblast 43 grana 43.2 i 43.3, Područja J – Informacije i komunikacije, Područja S- oblast 95.1., Područja Q- oblast 86.2. i u okviru Područja G - Trgovina ukoliko privredni subjekt iz ovog područja djelatnosti obavlja i proizvodno-uslužnu djelatnost te dokaže da je odobrena kreditna sredstva koristio za te namjene. Subvencionira se dio troškova kamate za realizovane kredite koji imaju efektivnu kamatnu stopu (EKS) u rasponu od 3,95 do 10%. Visina subvencioniranog dijela plaćenih troškova kamata za odobrene kredite kod komercijalnih banaka u 2016.; 2017. i 2018. godini iznosi:

1. -50% plaćene kamate na kredite sa efektivnom kamatnom stopom 3,95 do 7,00%.
2. - 60% plaćene kamate na kredite sa efektivnom kamatnom stopom 7,01 i više.

Namjena utroška odobrenih poticajnih grant sredstava

Korisnicima se na ovaj način omogućavaju poticajna grant finansijska sredstva čija namjena je za nabavku osnovnih sredstava i opreme, novo zapošljavanje, obezbjeđenje redovnog poslovanja i/ili finansiranje investicija za rast i razvoj subjekta male privrede. Korisnik koji po ovom osnovu ostvari subvenciju u maksimalnom iznosu ima obavezu zapošljavanja novog/ih radnika u trajanju od najmanje godinu dana, o čemu je korisnik dužan uz redovni Izvještaj o utrošku sredstava dostaviti i potvrdu Porezne uprave o novom zapošljavanju.

Ukupan iznos sredstava za ov namjenu je 200.000,00 KM.

Godišnjim planom za 2019. godinu za sve podnosiocze zahtjeva, koji su kreditno zaduženi u komercijalnim bankama i ispunjavaju tražene uslove, predviđen je ukupan iznos sredstava od 200.000,00 KM. Sredstva su obezbijedena u Budžetu Kantona Sarajevo na poziciji "Podsticaj razvoju male privrede" (ekonomski kod 614 300). Minimalan iznos kredita za koji podnosioci zahtjeva koji su kreditno zaduženi u komercijalnim bankama, mogu podnijeti zahtjev za subvencioniranje dijela troškova kamata je 50.000,00 KM, a maksimalan iznos kredita je 1.000.000,00 KM. Ukoliko korisnik realizuje dva ili više kredita imat će pravo na subvencioniranje



web: <http://mp.ks.gov.ba>
 e-mail: mp@mp.ks.gov.ba
 Tel: + 387 (0) 33 562-121, + 387 (0) 33 562-122
 Fax: + 387 (0) 33 562-226
 Sarajevo, Reisa Džemaludina Čauševića 1



dijela troškova kamata na zbir kredita koji ne prelazi iznos od 1.000.000,00 KM. Maksimalan iznos poticaja može iznositi najviše 20.000,00 KM prihvatljivih troškova za jedan privredni subjekt.

Kriteriji za izbor korisnika poticajnih grant sredstava

Podnosioci zahtjeva koji su kreditno zaduženi u komercijalnim bankama obavezni su dostaviti: ugovor o kreditu sa komercijalnom bankom iz 2016.; 2017. i 2018. godini sa anuitetnim planom (plan otplate kredita) iz kojeg je jasno vidljiva namjena odobrenih kreditnih sredstava i Potvrdu banke o redovnoj otplati kredita sa obaveznim pregledom i ukupnim iznosom obračunatih i naplaćenih kamata za svaku godinu za koju se traži subvencija dijela troškova kamate po osnovu kredita odobrenog u predmetnoj komercijalnoj banci, te ostalu opću i posebnu dokumentaciju u skladu sa Pravilnikom i Javnim pozivom. Ukoliko subjekti male privrede podnesu zahtjeve, koji su nakon obrade u ukupnom iznosu veći od planiranog iznosa za ovu namjenu, Ministarstvo može donijeti prijedlog Odluke da se svim aplikantima koji ispunjavaju tražene uslove odobre poticajna sredstva srazmjerno ukupnim planiranim sredstvima za ovaj Program. Kriteriji za izbor korisnika i zaključivanje ugovora utvrđeni su Pravilnikom, javnim pozivom i kriterijima za bodovanje

2. Program: Unapređenje institucijske preduzetničke infrastrukture

Pravo učešća

Pravo na dodjelu poticajnih grant sredstava za finansiranje/sufinansiranje ili subvencioniranje troškova nosioca programa/projekata za unapređenje institucijske preduzetničke infrastrukture u Kantonu Sarajevo imaju nosioci programa razvoja u skladu sa članom 12.; 16. i 17. Zakona. Oni su nosioci implementacije projekta, podnosioci zahtjeva i odgovorni su za realizaciju svih predviđenih i odobrenih programskih/projektnih aktivnosti, uključujući i preuzimanje finansijskih obaveza. Svi drugi subjekti koji učestvuju u implementaciji programa/projekata mogu biti samo partneri.

Namjena utroška poticajnih grant sredstava

Cilj i namjena ovog programa u oblasti institucijske preduzetničke infrastrukture podrazumijeva finansiranje/sufinansiranje ili subvencioniranje troškova koje imaju nosioci programa/projekta razvoja male privrede u izradi i realizaciji odgovarajućih programa, projekata i/ili studija čime se potiče stvaranje preduslova za razvoj subjekata male privrede (MSP), kao i za adaptaciju ili rekonstrukcija poslovnog prostora u cilju uređenja i korištenja prostora kao business startup centra, tehnološkog parka ili poslovnog inkubatora od strane MSP, kao i za pružanje usluga mentoringa, stručne podrške i drugih vrsta edukacije i promocije iz oblasti preduzetništva na području Kantona Sarajevo od strane MSP i Vlade Kantona Sarajevo.

Ukupan iznos sredstava za ovu namjenu: 500.000,00 KM.

Godišnjim planom za 2019. godinu za provođenje ovog Programa predviđen je ukupan iznos od 500.000,00 KM, a sredstva su obezbijedena u Budžetu Kantona Sarajevo na poziciji "Podsticaj razvoju male privrede" (ekonomski kod 614 300). Vrijednost pojedinačnih programa/projekata s kojim se aplicira ne može biti niža od 50.000 KM niti viša od 120.000 KM. Finansijski doprinosi nosioca implementacije programskih/projektnih aktivnosti u iznosu od minimalno 20% vrijednosti programa/projekta osiguravaju prednost prilikom odabira programa/projekata koji će biti predmet finansiranja.

Kriteriji za izbor korisnika poticajnih grant sredstava

Dostavljeni Program/projekt mora da sadrži jasno definisane ciljeve, namjenu, iznos i utrošak sredstava, adekvatne i kvalitetne uslove za razvoj preduzetništva, te omogućiti kreiranje novih mogućnosti za zapošljavanje i otvaranje novih radnih mjesta, kao i pružanje usluga mentoringa, stručne podrške i drugih vrsta edukacije i promocije iz oblasti preduzetništva. Program/projekt



web: <http://mp.ks.gov.ba>
e-mail: mp@mp.ks.gov.ba
Tel: + 387 (0) 33 562-121, + 387 (0) 33 562-122
Fax: + 387 (0) 33 562-226
Sarajevo, Reisa Džemaludina Čauševića 1



može biti sufinansiran od strane podnosioca zahtjeva koji aplicira za poticajna grant sredstva. Podnosioci zahtjeva koji osiguraju finansijski doprinos za implementaciju projekta/programa u iznosu od minimalno 20% i više od vrijednosti projekta iz vlastitih ili drugih izvora finansiranja u vrijeme podnošenja zahtjeva imaju prednost prilikom odobravanja sredstava. Ukoliko subjekti podnesu zahtjeve, koji su nakon obrade u ukupnom iznosu veći od planiranog iznosa za ovu namjenu, Ministarstvo može donijeti prijedlog Odluke da se svim aplikantima koji ispunjavaju tražene uslove odobre poticajna sredstva srazmjerno ukupnim planiranim sredstvima za ovaj Program. Odluku donosi Vlada Kantona Sarajevo. Kriteriji za izbor korisnika i zaključivanje ugovora utvrđeni su Pravilnikom, javnim pozivom i kriterijima za bodovanje

3. Program: Poticaj u primjeni tehničkih normi i standarda kvalitete

Pravo učešća

Pravo na dodjelu poticajnih grant sredstava za subvencioniranje dijela troškova nastalih u 2016.; 2017. i 2018. godini ostvaruju svi u skladu sa Zakonom definisani subjekti male privrede sa sjedištem na prostoru Kantona Sarajevo koji registrovanu djelatnost obavljaju unutar slijedećih područja Klasifikacije djelatnosti KD BiH 2010 ("Službeni glasnik BiH", broj 47/10): Područje C – Prerađivačka industrija (oblasti 10, 16 do 31), Područja F – Građevinarstvo, Područja J – Informacije i komunikacije- oblast 62, Područja S- oblast 95.1. i Područja Q- oblast 86.2. i to za: konsultantske usluge, edukaciju i uvođenje sistema i standarda kvalitete; za certificiranje sistema i certificiranje proizvoda (CE oznaka) kojima se obezbjeđuju usklađenost vlastitih proizvoda prema evropskim normama i smjernicama; troškove stjecanja prava ili obnavljanja upotrebe ISO, HACCP, HALAL i drugih međunarodno priznatih standarda, kao i za ulaganja u tehnološku modernizaciju, modernizaciju poslovnih procesa, podršku unapređenju znanja i vještina zaposlenih, podršku inovacijama, promociji izvoznih potencijala

Namjena utroška poticajnih grant sredstava

Poticajna sredstva koja se dodijele aplikantu po ovom osnovu služe za uvođenje novih međunarodnih standarda (ISO, HACCP, HALAL i drugih standarda), osiguranje CE znaka i njihovo obnavljanje, sa ciljem izgradnje inovativne privrede i povećanja konkurentnosti zasnovane na znanju, kao i za potrebe jačanja konkurentnosti kroz tehnološku modernizaciju, modernizaciju poslovnih procesa, podršku unapređenju znanja i vještina zaposlenih, podršku inovacijama, promociji izvoznih potencijala i pristupa novim tržištima. Ostvarene subvencije služe za ulaganja u obavljanje registrovane djelatnosti i nova zapošljavanja, o čemu korisnik subvencije dostavlja dokaz uz Izvještaj o utrošku sredstava.

Ukupan iznos sredstava za ovu namjenu: 150.000,00 KM.

Godišnjim planom za 2019. godinu za ovu namjenu predviđen je iznos od 150.000,00 KM. Sredstva će se dodjeljivati u iznosu od 70% priznatih troškova utrošenih za ove namjene, a u maksimalnom iznosu po jednom korisniku do 25.000 KM. Ukoliko je u privrednom subjektu zaposleno više od 50% mladih (osoba do 35 godina) ili je privredni subjekt u većinskom privatnom vlasništvu osobe s invaliditetom i/ili zapošljava minimalno 3 (tri) osobe sa utvrđenim invaliditetom u skladu sa Zakonom o profesionalnoj rehabilitaciji, osposobljavanju i zapošljavanju osoba s invaliditetom ("Službene novine FBiH", broj 9/10) aplikant ostvaruje pravo na 80% priznatih troškova utrošenih za ove namjene, a u maksimalnom iznosu do 30.000 KM. Korisnik koji ostvari subvenciju u iznosu od najmanje 20.000,00 KM ima obavezu zapošljavanja novog radnika (po mogućnosti do 35 godina) u trajanju od najmanje godinu dana, o čemu je korisnik dužan uz redovni Izvještaj dostaviti i potvrdu Porezne uprave o novouposlenom radniku. Sredstva za subvencioniranje troškova



web: <http://mp.ks.gov.ba>
e-mail: mp@mp.ks.gov.ba
Tel: + 387 (0) 33 562-121, + 387 (0) 33 562-122
Fax: + 387 (0) 33 562-226
Sarajevo, Reisa Džemaludina Čauševića 1



uplaćuju se na račun korisnika po osnovu dostavljenih Ugovora i/ili računa kojima se dokazuje namjensko korištenje sredstava i dostavljenog dokaza o plaćanju istog Ugovora i/ili računa (izvod iz banke), te drugih dokaza u skladu sa Javnim pozivom.

Kriteriji za izbor korisnika poticajnih grant sredstava

Osnovni kriteriji za ostvarivanje prava na dodjelu poticajnih grant sredstava za ove namjene ocjenjuje se kroz djelatnost koju subjekt male privrede obavlja: proizvodna ili proizvodno – uslužna, broj zaposlenih, povećanje zaposlenosti, orijentiranost izvozu, te za jačanje konkurentnosti kroz tehnološku modernizaciju, modernizaciju poslovnih procesa, podršku unapređenju znanja i vještina zaposlenih, podršku inovacijama, promociji izvoznih potencijala i pristupa novim tržištima. Uslovi za izbor korisnika poticajnih grant sredstava za ove namjene su: da se subjekti male privrede nalaze u postupku ili su tokom 2016., 2017. i 2018. godine izvršili certifikaciju/standardizaciju i/ili koristili konsultantske usluge ili edukacije za uvođenje i certificiranje kvaliteta i druge standarde EU, ili su imali ulaganja u tehnološku modernizaciju, modernizaciju poslovnih procesa, podršku unapređenju znanja i vještina zaposlenih, podršku inovacijama, promociji izvoznih potencijala, te o tome podnesu adekvatne dokaze (Ugovor i/ili račun i izvod iz banke o plaćenim troškovima), da subjekti male privrede posjeduju dokaze (certifikat izdat od ovlaštene certifikacijske organizacije u 2016./ 2017. i/ili 2018. godini; obnovljen standard u 2016./ 2017. i/ili 2018. godini; osiguran CE znak u u 2016./ 2017. i/ili 2018. godini ili posjeduju Tehnički fajl-dosije) sa svim pripadajućim procedurama, uputstvima i zapisima za osiguranje kvalitete proizvoda, te podnesu dokaze o izvršenim uslugama (Ugovor i/ili račun i izvod iz banke o plaćenim troškovima). Ukoliko subjekti male privrede podnesu zahtjeve, koji su nakon obrade u ukupnom iznosu veći od planiranog iznosa za ovu namjenu, prednost prilikom dodjele sredstava ostvaruju privredni subjekti koji to pravo ostvaruju po osnovu uvođenja i certificiranja sistema kvaliteta i standarda EU, a Ministarstvo može donijeti prijedlog Odluke da se svim aplikantima koji ispunjavaju tražene uslove odobre poticajna sredstva srazmjerno ukupnim planiranim sredstvima za ovaj Program. Odluku donosi Vlada Kantona Sarajevo.

4. Program: Unaprjeđenje rada udruženja obrtnika

Pravo učešća

Pravo na dodjelu poticajnih grant sredstava za program/projekt u skladu sa Javnim pozivom ostvaruju isključivo Obrtnička Komora Kantona Sarajevo i udruženja obrtnika koja su uredno registrovana na području Kantona Sarajevo i izmiruju svoje zakonom predviđene obaveze.

Namjena utroška poticajnih grant sredstava

Unaprjeđenje rada udruženja obrtnika je program namjenjen kao subvencija dijela troškova za: podršku rada obrtničke komore i udruženja obrtnika, razvoj i afirmaciju svih obrta, očuvanje obrtničke tradicije, pružanje stručne i materijalne pomoći tradicionalnim i starim obrtničkim djelatnostima, edukacije i stručno osposobljavanje u cilju jačanja veza između obrazovnog sistema i obrtništva, interesno umrežavanje obrtnika, organizovano zastupanje interesa obrtnika, opstanak i razvoj Obrtničke Komore Kantona Sarajevo i drugih udruženja obrtnika.

Ukupan iznos sredstava za ovu namjenu je 50.000,00 KM

Godišnjim planom za 2019. godinu za ovu namjenu predviđen je iznos od 50.000,00 KM, a sredstva su obezbijedena u Budžetu Kantona Sarajevo na poziciji “Podsticaj razvoju male privrede” (ekonomski kod 614 300) i biće raspoređena na programe koji zadovolje kriterije iz Javnog poziva. Ukoliko aplikanti podnesu zahtjeve, koji su nakon obrade u ukupnom iznosu veći od planiranog iznosa za ovu namjenu, Ministarstvo može donijeti prijedlog Odluke da se svim aplikantima koji



web: <http://mp.ks.gov.ba>
e-mail: mp@mp.ks.gov.ba
Tel: + 387 (0) 33 562-121, + 387 (0) 33 562-122
Fax: + 387 (0) 33 562-226
Sarajevo, Reisa Džemaludina Čauševića 1



ispunjavaju tražene uslove odobre poticajna sredstva srazmjerno ukupnim planiranim sredstvima za ovaj Program. Odluku donosi Vlada Kantona Sarajevo.

Kriteriji za izbor korisnika poticajnih grant sredstava

Kriteriji za izbor korisnika poticajnih grant sredstava podrazumijevaju obavezno dostavljanje programa/projekta koji sadrži jasno definisane ciljeve, namjenu, iznos i utrošak sredstava za svaku planiranu aktivnost, usklađenost sa namjenom sredstava, izvore/način finansiranja, broj članova udruženja obrtnika, organiziranost udruženja i komore, broj učesnika u programu/projektu, dosadašnje poticaje od strane ministarstva privrede i FMRPO, i sl.. Kriteriji za izbor korisnika i zaključivanje ugovora utvrđeni su Pravilnikom, javnim pozivom i kriterijima za bodovanje.

5. Program: Stari zanati - Subvencija troškova nabavke osnovnog materijala, alata i sl.

Pravo učešća

Pravo učešća po osnovu Javnog poziva imaju obrtnici čije je prebivalište i sjedište obrta u Kantonu Sarajevo, koji ispunjavaju uslove i kriterije propisane u Uredbi o kriterijima i postupku za ostvarivanje prava na podsticajna sredstva za očuvanje i razvoj tradicionalnih i starih zanata – obrta ("Službene novine Kantona Sarajevo", br. 15/10 i 29/11) i koji na osnovu Obavještenja Službe za statistiku o razvrstavanju obrta prema KD 2010 djelatnosti kao osnovnu djelatnost obavljaju slijedeće stare i tradicionalne djelatnosti–obrte: Proizvodnja užadi, konopaca, upletenog konca i mreža (13.94 i 32.91 - užar, četkar), Proizvodnja kapa i šešira (14.13 i 14.39 – kapar), Proizvodnja putnih i ručnih torba i sličnih proizvoda, sedlarskih i kaišarskih proizvoda (15.12 – tašnar), Popravak i izrada obuće i proizvoda od kože (15.20 i 95.23 – obućar), Brijanje i podrezivanje brade, pranje, podrezivanje i šišanje kose (96.02 – berbersko-brijačka), Proizvodnja ostalih proizvoda od drva, proizvoda od pluta, slame i pletarskih materijala (16.29), Proizvodnja i obrada ostalog stakla uključujući tehničke proizvode od stakla (23.19 – optičar), Proizvodnja ostalih gotovih proizvoda od metala (25.72, 25.73, 25.91, 25.92 i 25.99 - kazandžija, kujundžija, oštrač, limar) i Proizvodnja i popravak ostalog namještaja (31.09 i 95.24 – tapetar).

Namjena utroška poticajnih grant sredstava

Poticajna sredstva namjenjena su kao podrška opstanku, revitalizaciji i zaštiti starih tradicionalnih zanata, za subvencioniranje troškova nabave repromaterijala, opreme, alata, uređenja (građevinski, instalacijski i radovi unutrašnjeg uređenja) i zakup poslovnog prostora

Ukupan iznos sredstava za ovu namjenu: 100.000,00 KM

Godišnjim planom za 2019. godinu za ovu namjenu predviđen je iznos od 100.000,00 KM, a sredstva su obezbijedena u Budžetu Kantona Sarajevo na poziciji "Podsticaj razvoju male privrede" i biće raspoređena na korisnike u skladu sa kriterijima iz Javnog poziva. Sredstava koja korisnik ostvari po ovom osnovu dodijeljuju se u visini do 70% troškova izvršenog ulaganja u 2017/2018. godini, najviše do iznosa od 5.000,00 KM po pojedinom korisniku. (Dokazi: ugovor/račun o kupovini osnovnog materijala, alata i/ili uređenja poslovnog prostora od 01.01. 2017. godine do 31.12. 2018. godine i izvoda sa transakcijskog računa banke o plaćenom računu).

Kriteriji za izbor korisnika poticajnih grant sredstava

Kriteriji za ostvarivanje prava obrtnika – zanatlija na novčane podsticaje su: da je u Obavještenju Službe za statistiku o razvrstavanju obrta prema KD 2010 djelatnosti jasno navedena tražena djelatnost, da se dostavi rješenje Porezne uprave o utvrđivanju plaćanja paušalnog poreza na dohodak, da u manjim serijama izrađuju proizvode starih i tradicionalnih zanata pretežnim udjelom ručnog rada, da zanatsku djelatnost – obrt obavljaju kao osnovno zanimanje, da obrtnici imaju stručnu osposobljenost za obavljanje obrta ili da taj obrt obavljaju najmanje pet godina, da postoji



web: <http://mp.ks.gov.ba>
e-mail: mp@mp.ks.gov.ba
Tel: + 387 (0) 33 562-121, + 387 (0) 33 562-122
Fax: + 387 (0) 33 562-226
Sarajevo, Reisa Džemaludina Čauševića 1



tradicija u obavljanju obrta dozvoljenog javnim pozivom i da je sjedište obrta i prebivalište obrtnika u Kantonu Sarajevo (potvrda OKKS), te dostavljanje računa i/ili ugovora kojima se dokazuje namjensko korištenje sredstava i dokaza o podmirenju-plaćanju računa/ugovora (izvod iz banke). Kriteriji za izbor korisnika i zaključivanje ugovora utvrđeni su Pravilnikom, javnim pozivom i kriterijima za bodovanje.

6. Program: Poticaj novoosnovanim – start up subjektima male privrede

Pravo učešća

Pravo na subvencioniranje troškova ostvaruju novoosnovani start up subjekti male privrede, osnovani u skladu sa Zakonom od 01.01.2016. godine do 31.12.2018. godine, sa sjedištem na području Kantona Sarajevo, a koji registrovanu djelatnost obavljaju unutar slijedećih područja Klasifikacije djelatnosti KD BiH 2010 ("Službeni glasnik BiH", broj 47/10): Područje C – Prerađivačka industrija (oblasti 10, 16 do 31), Područja F – Građevinarstvo, Područja J – Informacije i komunikacije - oblast 62, Područja S- oblast 95.1. i Područja Q- oblast 86.2.

Namjena utroška poticajnih grant sredstava

Ovim Programom poticajna sredstva dodjeljuju se novoosnovanim – start up subjektima male privrede za subvencioniranje troškova nabavke mašina, opreme, alata, uređenja (građevinski, instalacijski i radovi unutrašnjeg uređenja) i zakup poslovnog prostora, izradu poslovnog plana, softvera i konsultantske usluge i sl. nastalih u fazi pokretanja privredne aktivnosti i služe za dalja ulaganja u obavljanje registrovane djelatnosti i izmirenje tekućih obaveza poslovanja.

Ukupan iznos sredstava za ovu namjenu: 200.000,00 KM

Godišnjim planom za ovaj Program planiran je ukupan iznos od 200.000,00 KM. Sredstva za provođenje ovog Programa dodjeljuju se isključivo za troškove nastale nakon 01.01.2016. godine do 31.12.2018. godine. Poticaj može iznositi do 60% prihvatljivih dokumentiranih troškova, a najviše ukupno 20.000,00 KM za jedan privredni subjekt. Ukoliko je u privrednom subjektu zaposleno više od 50% mladih (osoba do 35 godina) ili je privredni subjekt u većinskom privatnom vlasništvu osobe s invaliditetom i/ili zapošljava minimalno 3 (tri) osobe sa invaliditetom (Rješenje, ocjene i mišljenje o utvrđivanju stepena invaliditeta za uposlene osobe sa invaliditetom izdato od nadležnog organa) isti ostvaruje pravo na 70% priznatih troškova utrošenih za ove namjene, a u maksimalnom iznosu do 30.000 KM, a za što je potrebno dostaviti odgovarajuće dokaze. Korisnik koji ostvari subvenciju od najmanje 20.000,00 KM ima obavezu zapošljavanja novog radnika u trajanju od najmanje godinu dana, o čemu je dužan uz Izvještaj dostaviti i potvrdu Porezne uprave o novom zapošljavanju radnika.

Kriteriji za izbor korisnika poticajnih grant sredstava

Izbor korisnika grant poticajnih sredstava vrši se na osnovu dostavljenog dokaza o kupljenim mašinama i ostaloj opremi, izvedenim radovima i utrošenim sredstvima za koji se traži subvencija dijela troškova, a privredni subjekti obavezni su dostaviti račune i/ili ugovore kojima se dokazuje namjensko korištenje sredstava i dokaz o plaćanju dostavljenih računa (izvod iz banke), te fotodokumentaciju mašina, postrojenja, opreme koja je nabavljena ili prostora koji je uređen, a ukoliko su u subjektu zaposlene osobe sa invaliditetom uz prijavu obavezno se dostavljaju Rješenja, ocjene i mišljenja o utvrđenom stepenu invaliditeta izdata od nadležnog organa.



web: <http://mp.ks.gov.ba>
e-mail: mp@mp.ks.gov.ba
Tel: + 387 (0) 33 562-121, + 387 (0) 33 562-122
Fax: + 387 (0) 33 562-226
Sarajevo, Reisa Džemaludina Čauševića 1



7. Program: Poticaj razvoja ženskog preduzetništva

Pravo učešća

Pravo apliciranja na javni poziv za poticajna grant sredstava po ovom Programu ostvaruju subjekti male privrede definisani u skladu sa Zakonom, sa sjedištem na području Kantona Sarajevo, koji su u većinskom (minimalno 51%) privatnom vlasništvu žena državljanke Bosne i Hercegovine, zapošljavaju najmanje 3 (tri) radnika uključujući i vlasnicu, s time da će prednost imati oni koji su usmjereni na proizvodnju i plasman vlastitih, izvornih proizvoda i usluga. Pravo ostvaruju subjekti male privrede koji imaju registrovanu djelatnost unutar sljedećih područja Klasifikacije djelatnosti KD BiH 2010 ("Službeni glasnik BiH", broj 47/10): Područje C – Prerađivačka industrija (osim sljedećih oblasti: 11; 12; 19; 29; 30; oblasti 20 grana 20.5; oblasti 25 grana 25.4 i oblasti 28 grana 28.3), Područja F – Građevinarstvo, oblast 43 grana 43.2 i 43.3, i Područja J – Informacije i komunikacije - oblast 62., Područja S- oblast 95.1. i Područja Q- oblast 86.2. Pravo na poticajna grant sredstava za subvencioniranje dijela plaćenih troškova u 2016.; 2017. i 2018. godini ostvaruju subjekti male privrede za sljedeće aktivnosti: unutrašnje uređenje poslovnog prostora; zakup poslovnog prostora, nabavku mašina, postrojenja i opreme, mjernih i kontrolnih uređaja i instrumenata u vrijednosti većoj od 3.000,00 KM, preuređenje i nadogradnju strojeva i opreme u cilju prilagođavanja novim poslovima; ulaganje u razvoj i nabavu novih tehnologija; ulaganje u povećanje postojećih proizvodnih kapaciteta i usluga; ulaganje u energetske učinkovitiju proizvodnju i usluge; i sufinansiranje troškova poslovnog softvera neophodnog za unaprjeđenje kvalitete rada u proizvodnom, odnosno poslovnom procesu. Pravo prvenstva imaju podnositelji zahtjeva za poticaj koji se bave proizvodnom djelatnošću, a posebno izvozno orijentisani subjekti male privrede. Pravo po osnovu ovog Programa ne mogu ostvariti privredni subjekti koji su u navedenom periodu po istom osnovu ostvarili subvenciju, donaciju ili drugu finansijsku pomoć.

Namjena utroška poticajnih grant sredstava

Poticajna sredstva po ovom Programu služe za daljnja unutrašnja uređenja i zakup poslovnog prostora; nabavku mašina, postrojenja, opreme, mjernih i kontrolnih uređaja i instrumenata; preuređenje i nadogradnju strojeva i opreme u cilju prilagođavanja novim poslovima; ulaganje u razvoj novih tehnologija; ulaganje u povećanje postojećih proizvodnih kapaciteta i usluga; ulaganje u energetske učinkovitiju proizvodnju; certifikacija i standardizacija, i sufinansiranje troškova poslovnog softvera za unaprjeđenje kvalitete rada u proizvodnom, odnosno poslovnom procesu.

Ukupan iznos sredstava za ovu namjenu: 150.000,00 KM

Sredstva za subvencioniranje dijela troškova u visini do 80 % dokumentiranih troškova za navedene aktivnosti, uplaćuju se na račun korisnika po osnovu dostavljenih računa i/ili ugovora kojima se dokazuje namjensko korištenje sredstava i dostavljenog dokaza o plaćanju računa/ugovora (izvod iz banke). Sredstva za provođenje ovog Programa po Javnom pozivu dodjeljuju se isključivo za troškove sa datumom fakture od 01.01.2016.godine do 31.12.2018. godine. Minimalni iznos prihvatljivih troškova je 3.000,00 KM, a maksimalan iznos poticaja može iznositi najviše 20.000,00 KM prihvatljivih troškova za jedan privredni subjekt. Korisnik koji po ovom osnovu ostvari subvenciju u iznosu od 20.000,00 KM ima obavezu zapošljavanja novog/ih radnika u trajanju od najmanje godinu dana, i dužan je uz redovni Izvještaj dostaviti i potvrdu Porezne uprave o novom zapošljavanju. Ukoliko subjekti male privrede podnesu zahtjeve, koji su nakon obrade u ukupnom iznosu veći od planiranog iznosa za ovu namjenu, Ministarstvo može donijeti prijedlog Odluke da se svim aplikantima koji ispunjavaju tražene uslove odobre poticajna sredstva srazmjerno ukupnim planiranim sredstvima za ovaj Program. Odluku donosi Vlada Kantona Sarajevo.



web: <http://mp.ks.gov.ba>
e-mail: mp@mp.ks.gov.ba
Tel: + 387 (0) 33 562-121, + 387 (0) 33 562-122
Fax: + 387 (0) 33 562-226
Sarajevo, Reisa Džemaludina Čauševića 1



Kriteriji za izbor korisnika poticajnih grant sredstava

Izbor korisnika grant poticajnih sredstava za subvencioniranje troškova po ovom Programu vrši se na osnovu dostavljenih dokaza o kupljenim mašinama, novoj tehnologiji i ostaloj opremi, zakupu i/ili unutrašnjem uređenju poslovnog prostora, izvedenim radovima i sl. za koji se traži subvencija dijela troškova, a privredni subjekti obavezni su dostaviti račune i/ili ugovore kojima se dokazuje namjensko korištenje sredstava i dokaz o plaćanju dostavljenih računa (izvod iz banke), te fotodokumentaciju mašina, postrojenja, opreme koja je nabavljena ili prostora koji je uređen. Troškovi koji se priznaju odnose se isključivo na direktne troškove nastale realizacijom namjene sredstava. Kriteriji za izbor korisnika i zaključivanje ugovora utvrđeni su Pravilnikom, javnim pozivom i kriterijima za bodovanje.

8. Program: Poticaj za unaprjeđenje IT preduzetništva

Pravo učešća

Pravo na dodjelu poticajnih grant sredstava za subvencioniranje ili finansiranje troškova po ovom Programu ostvaruju privredni subjekti IT sektora koji su registrovani za pružanje usluga u oblasti informaciono komunikacionih tehnologija (Područje J – Informacije i komunikacije - oblast 62) i subjekti registrovani za obrazovanje odraslih u skladu sa Zakonom, koji imaju sjedište na teritoriji Kantona Sarajevo imaju više od 10 uposlenih i koji su u 2019. godini realizovali ili će realizovati program/projekt obuke i osposobljavanja za grupe polaznika (5 do 20 osoba) kojim se omogućava poboljšanje kvaliteta znanja i upotrebe savremene informacijske i komunikacijske tehnologije polaznika obuke, sa krajnjim ciljem da se u IT kompanijama koje provedu program interne obuke ili drugim IT kompanijama izvrši zapošljavanje određenog broja mladih i/ili drugih osoba koji su u skladu sa zahtjevima IT kompanija ispunili preduvjete za pohađanje ili uspješno završili predmetne obuke. Pravo ostvaruju privredni subjekti koji realizacijom Programa imaju obavezu uposliti nove radnike na period od minimalno godinu dana, a Korisnik poticaja je dužan uz redovni Izvještaj dostaviti i potvrdu Porezne uprave o novozaposlenom/im radnicima. Radno mjesto se vrednuje sa 10.000,00 KM po uposlenom radniku i biće definisano ugovorom.

Namjena utroška poticajnih grant sredstava

Namjena poticajnih sredstava je subvencioniranje dijela troškova IT kompanija i drugih subjekata koje nakon provedenog programa kreiraju platforme za zapošljavanje polaznika obuke u istoj ili drugim kompanijama. Programom se daje podrška poboljšanju kvaliteta znanja, prilagođavanja radu u IT kompanijama i upotrebi savremene informacijske i komunikacijske tehnologije sa krajnjim ciljem da se u IT kompanijama nakon provedenog programa edukacije ili interne obuke izvrši zapošljavanje osoba koje su uspješno završile obuku i koje se bave djelatnostima baziranim na znanju i savremenim informacionim tehnologijama.

Ukupan iznos sredstava za ovu namjenu: 300.000,00 KM.

Godišnjim planom za 2019. godinu za ovu namjenu predviđen je ukupan iznos od 300.000,00 KM, pri čemu maksimalni iznos subvencioniranih sredstava za provođenje jedne obuke ne može biti veći od 50.000,00 KM (slovima: pedesethiljada konvertibilnih maraka). Sredstva za provođenje ovog programa su obezbijedena u Budžetu Kantona Sarajevo na poziciji "Podsticaj razvoju male privrede". (ekonomski kod 614 300). Ukupna sredstva za ovu namjenu dodjeljivat će se na osnovu broja pristiglih prijava, pri čemu maksimalni iznos sredstava ne može biti veći od 50.000,00 KM (slovima: pedesethiljada konvertibilnih maraka) po jednoj IT kompaniji uz obavezno zapošljavanje 5 (pet) radnika. Ostvarene subvencije služe za dalja ulaganja u obavljanje registrovane djelatnosti ili provođenje nove obuke o čemu korisnik subvencije dostavlja dokaz uz Izvještaj o utrošku sredstava.



web: <http://mp.ks.gov.ba>
e-mail: mp@mp.ks.gov.ba
Tel: + 387 (0) 33 562-121, + 387 (0) 33 562-122
Fax: + 387 (0) 33 562-226
Sarajevo, Reisa Džemaludina Čauševića 1



Kriteriji za izbor korisnika poticajnih grant sredstava

Podnosilac ponude mora biti registrovan za pružanje usluga u oblasti informaciono komunikacionih tehnologija ili za obrazovanje odraslih u skladu sa Zakonom o obrazovanju odraslih u Kantonu Sarajevo ("Službene novine Kantona Sarajevo", broj 40/15), mora obezbijediti poslovni prostor (vlastiti ili zakupljeni) koji će opremiti odgovarajućom IT opremom (računari, table, projektor i ostala pomoćna sredstva), te u takvom centru provesti dostavljeni projekt/program interne obuke ili edukacije iz oblasti IT odobrene u skladu sa zakonom (o čemu se dostavlja posebna Izjava). Podnosilac ponude mora dostaviti detaljan program/projekt obuke sa navedenim iznosom troškova po svakoj aktivnosti navedenoj u projektu (vremenski period obuke, teme, predavači i ostalo) prilagođen IT kompaniji i/ili krajnjem cilju zapošljavanja polaznika koji uspješno završe obuku. Obuke moraju biti organizovane iz oblasti korištenja IT tehnologija, što podrazumijeva obuku s ciljem da mladi ljudi steknu vještine rada, koje će kasnije koristiti u radu u IT kompanijama ili sa lokalnim/globalnim tržištem ili za otvaranje vlastitog biznisa-startup preduzeća. Kriteriji za izbor korisnika i zaključivanje ugovora utvrđeni su Pravilnikom, javnim pozivom i kriterijima za bodovanje.

9. Program: Pružanje stručne i savjetodavne pomoći za subjekte male privrede

Pravo učešća

Pravo na dodjelu poticajnih grant sredstava za pružanje usluga stručne i savjetodavne podrške ostvaruju subjekti male privrede, odnosno pravna i fizička lica koja trajno obavljaju zakonom dozvoljene djelatnosti, koji imaju sjedište na prostoru Kantona Sarajevo, imaju najmanje jednog zaposlenika na neodređeno vrijeme i koji su u okviru svoje registracije definisani kao preduzetnički centri, poslovni inkubatori, centri za obrazovanje ili provođenje obuke iz preduzetništva (Regionalna razvojna agencija Serda, Privredna Komora Kantona Sarajevo, NETWORKS i drugi), kao i nevladine organizacije (NVO/NGO) registrovane u skladu sa zakonom.

Namjena utroška poticajnih grant sredstava

Poticajna grant sredstva po ovom Programu namjenjena su za finansiranje/sufinansiranje programa pružanja usluga stručne i savjetodavne podrške, te usluga informiranja za MSP-ove u svrhu osiguravanja učinkovite pomoći s ciljem učvršćivanja položaja subjekata male privrede na tržištu, kako bi se olakšao pristup poslovnim znanjima i vještinama, partnerima i informacijama ključnim za rast i razvoj poslovanja, te kako bi se unaprijedila privredna uspješnost privrednih subjekata.

Ukupan iznos sredstava za ovu namjenu: 250.000,00 KM.

Godišnjim planom za 2019. godinu predviđen je iznos od 250.000,00 KM, a sredstva su obezbijedena u Budžetu Kantona Sarajevo na poziciji "Podsticaj razvoju male privrede" i biće raspoređena na programe u skladu sa kriterijima iz Javnog poziva. Najniži iznos za provođenje ovog Programa po pojedinom projektnom prijedlogu iznosi 20.000,00 KM, a najviša stopa sufinansiranja iznosi 85% ukupnih prihvatljivih troškova i iznosi 50.000,00 KM. Prihvatljive kategorije troškova su: trošak vanjskih stručnjaka za pružanje stručne i savjetodavne podrške privrednim subjektima prema potrebi, odnosno kada postoji potražnja za takvima i troškovi vezani uz provedbu edukacija za potrebe MSP-ova koji uključuju: trošak najma prostora za održavanje edukacija i prezentacija za MSP-ove; troškovi najma opreme ukoliko su vezani za projekt; trošak promocije projekta (razni mediji) do 10 % vrijednosti projekta; troškovi plaća osoblja kao dio troškova provedbe projekta. Ukoliko aplikanti podnesu zahtjeve, koji su nakon obrade u ukupnom iznosu veći od planiranog iznosa za ovu namjenu, Ministarstvo može donijeti prijedlog Odluke da



web: <http://mp.ks.gov.ba>
e-mail: mp@mp.ks.gov.ba
Tel: + 387 (0) 33 562-121, + 387 (0) 33 562-122
Fax: + 387 (0) 33 562-226
Sarajevo, Reisa Džemaludina Čauševića 1



se svim aplikantima koji ispunjavaju tražene uslove odobre poticajna sredstva srazmjerno ukupnim planiranim sredstvima za ovaj Program. Odluku donosi Vlada Kantona Sarajevo.

Kriteriji za izbor korisnika poticajnih grant sredstava

Kriteriji za odabir podnosioca prijave radi dodjele sredstava proizilaze iz detaljno dostavljenog projekta/programa koji mora da sadrži: jasno definisane ciljeve, namjenu, iznos i utrošak sredstava za svaku aktivnost navedenu u projektu/programu, pružanje stručne, savjetodavne podrške i edukacije, te usluga informisanja MSP-ova u različitim fazama njihovog razvoja, s posebnim naglaskom na novoosnovane MSP (koji posluju kraće od 3 godine). Aktivnosti pružanja stručne i savjetodavne pomoći i informisanja mogu biti povezane s regulatornim okvirom, standardima, certifikacijom, informacijama o dostupnim uslugama i programima, uključujući finansijske instrumente, savjetovanje o dijagnosticiranju nedostataka i izazova MSP-ova i drugim područjima u kojima je privrednim subjektima potrebno pružati usluge sukladno identificiranim potrebama, kako bi se izbjegle prepreke u razvoju poslovanja i pristupu uslugama poslovnog savjetovanja i slično. Kriteriji za izbor korisnika i zaključivanje ugovora utvrđeni su Pravilnikom, javnim pozivom i kriterijima za bodovanje.

10. Program: Podrška razvoju kreativne industrije

Pravo učešća

Pravo na dodjelu poticajnih grant sredstava namjenjenih kao podrška razvoju kreativne industrije ostvaruju subjekti male privrede sa područja Kantona Sarajevo, odnosno pravna i fizička lica koja trajno obavljaju zakonom dozvoljene djelatnosti radi ostvarivanja dohotka odnosno dobiti na način kako je propisano Zakonom, kao i udruženja s područja Kantona Sarajevo, čija primarna djelatnost spada u kreativnu industriju (definisana statutom centralnog udruženja) uz obavezu članstva u centralnom udruženju ili u OKKS.

Namjena utroška poticajnih grant sredstava

Poticajna grant sredstva po ovom Programu namjenjena su kao podrška institucionalnom organizovanju i udruživanju kreativne industrije s područja Kantona Sarajevo, za projektno finansiranje/sufinansiranje ili subvencioniranje projekta/programa udruženja kreativne industrije, pomoć u centralizaciji poslovnih aktivnosti u kontekstu zajedničkih prostora, radionica, edukacije i sl., te subvencioniranje troškova repromaterijala i osnivanja obrta i preduzeća, podršku aktivnostima koje doprinose izvozu roba i usluga, sufinansiranje projekata podržanih od strane međunarodnih institucija i organizacija i dr. za privredne subjekte registrovane u okviru kreativne industrije.

Ukupan iznos sredstava za ovu namjenu: 100.000,00 KM

Godišnjim planom za 2019. godinu za ove namjene predviđen je ukupan iznos od 100.000,00 KM, a sredstva su obezbijedena u Budžetu Kantona Sarajevo na poziciji "Podsticaj razvoju male privrede" i biće raspoređena na pojedinačno podnesene zahtjeve u skladu sa dostavljenim zahtjevom/projektom. Ukoliko se radi o projektu/programu kojim se rješava institucionalno organizovanje i udruživanje kreativne industrije s područja Kantona Sarajevo visina sredstava može iznositi do 80% prihvatljivih ukupnih troškova tj. maksimalno do 50.000,00 KM, a poticaj za jednog pojedinačnog korisnika može iznositi najviše do iznosa od 5.000,00 KM.

Kriteriji za izbor korisnika poticajnih grant sredstava

Osnovni kriteriji za utvrđivanje pojedinačnih korisnika poticaja su: vrsta djelatnosti; broj uposlenih; namjena utroška sredstava; izvori-način finansiranja projekta; orijentisanost ka izvozu, a aplikanti su obavezni dostaviti račune i/ili ugovore kojima se dokazuje namjensko korištenje sredstava i dokaz o plaćanju dostavljenih računa (izvod iz banke) i formalno - pravno uredna dokumenta.



web: <http://mp.ks.gov.ba>
e-mail: mp@mp.ks.gov.ba
Tel: + 387 (0) 33 562-121, + 387 (0) 33 562-122
Fax: + 387 (0) 33 562-226
Sarajevo, Reisa Džemaludina Čauševića 1



Kriteriji za odabir podnosioca prijave radi dodjele sredstava kojima se rješava institucionalno organizovanje i udruživanje kreativne industrije proizilaze iz detaljno dostavljenog zahtjeva/projekta/programa koji mora da sadrži: jasno definisane ciljeve, namjenu, iznos i utrošak sredstava za svaku navedenu aktivnost. Prednost prilikom odabira korisnika imaju aplikacije kojima se rješava institucionalno organizovanje i udruživanje kreativne industrije s područja Kantona Sarajevo u kontekstu njihovog udruživanja, registracije, regulative i sl. Kriteriji za izbor korisnika i zaključivanje ugovora utvrđeni su Pravilnikom, javnim pozivom i kriterijima za bodovanje.

III NAČIN PODNOŠENJA PRIJAVE

Svi podnosioci prijave obavezni su u potpunosti dostaviti traženu dokumentaciju, u skladu sa tačkom III ovog Javnog poziva. Prijava koja ne sadrži kumulativno i opće i posebne priloge koji se zahtijevaju Javnim pozivom, zbog neispunjavanja formalno-pravnih uslova se odbacuje bez obaveze daljeg razmatranja. U skladu sa članom 7. Pravilnika aplikanti prilikom podnošenja prijave na Javni poziv obavezno dostavljaju:

1. PRIJAVNI OBRAZAC ZA UKLJUČIVANJE U PROGRAM

a) Obrasci za svaki navedeni Program se mogu preuzeti direktno u Ministarstvu privrede ili na web stranici: <http://mp.ks.gov.ba/>. Aplikant obavezno popunjava sve rubrike prijavnog obrasca i odgovara za vjerodostojnost svih navedenih podataka.

b) Ukoliko se prema javnom pozivu za pojedine Programe traži dostavljanje **PROJEKTA**, isti je u skladu sa članom 7. stav (2) tačka b) Pravilnika, potrebno dostaviti sa sljedećim sadržajem: naziv i opis projekta sa specifikacijom vrijednosti radova, opreme, mjesta na kojem se izvodi projekat, jasan cilj projekta, vrste aktivnosti koje će se provesti za postizanje postavljenog cilja, namjenu, iznos i utrošak sredstava za svaku namjenu, očekivani rezultati, korisnici projekta, projekti edukacije obavezno moraju sadržavati specifikaciju predavača, prezentera, polaznika edukacije i institucija – ustanova, finansijsku konstrukciju (uz naznaku vlastitog ulaganja) i rok realizacije projekta. Program/projekat mora biti na jednom od službenih jezika Bosne i Hercegovine. Rukom pisane i nepotpune aplikacije se neće uzeti u razmatranje.

3. DOKUMENTACIJA

Opća dokumentacija:

Podrazumjeva obaveznu dokumentaciju koju podnose svi aplikanti neovisno od Programa za koji podnose prijavu, i podrazumjeva sljedeće dokumente:

- a) Rješenje o registraciji, odnosno osnivanju (izdato od nadležnog organa);
- b) Uvjerenje o poreskoj registraciji - identifikacijski broj (ID broj);
- c) Uvjerenje o registraciji obveznika poreza na dodanu vrijednost (ako je korisnik u PDV sistemu)
- d) Obavještenje o razvrstavanju pravnog lica prema klasifikaciji djelatnosti KD BiH 2010;
- e) Izvještaj o finansijskom poslovanju (ovjeren bilans stanja, bilans uspjeha za 2018. godinu);
- f) Uvjerenje o izmirenim obavezama po osnovu poreza i doprinosa ne starije od 30 dana od dana objave javnog poziva i dokaz o ukupnom broju zaposlenih (Potvrda Porezne uprave Federacije Bosne i Hercegovine);
- g) Uvjerenje o izmirenim indirektnim porezima izdato od Uprave za indirektno oporezivanje, ne starije od 3 mjeseca od dana podnošenja prijave, kojim se dokazuje da subjekt uredno izmiruje indirektnu poreze;



web: <http://mp.ks.gov.ba>
e-mail: mp@mp.ks.gov.ba
Tel: + 387 (0) 33 562-121, + 387 (0) 33 562-122
Fax: + 387 (0) 33 562-226
Sarajevo, Reisa Džemaludina Čauševića 1



- h) Izjava subjekta o namjenskom utrošku sredstava u skladu sa pojedinim programom i da po istom osnovu za koji je aplicirao nisu odobravana sredstva iz Budžeta Kantona ili drugog izvora FBiH;
- i) Izjavu ovjerenu kod općinskog organa da su saglasni da rezultati javnog poziva budu objavljeni na web stranici Ministarstva privrede Kantona Sarajevo;
- j) Ugovor o otvorenom transakcijskom računu kod banke; i
- k) Na zahtjev Ministarstva privrede druga relevantna dokumentacija.

Opća i posebna dokumentacija i ostali dokazi u skladu sa zahtjevom iz svakog pojedinačnog Programa poticajnih sredstava dostavlja se u originalu ili od strane odgovarajuće finansijske institucije, nadležnog tijela uprave ili notara ovjerenim fotokopijama ne starijim od tri mjeseca, računajući od dana objave Javnog poziva u "Službenim novinama Kantona Sarajevo". Prednje se ne odnosi jedino na rješenje o registraciji pravnog subjekta, uvjerenje o poreznoj registraciji i uvjerenje o registraciji PDV obveznika. Izjave i potvrde kao dokazi aplikanta se dostavljaju u originalu i moraju biti ovjerene i potpisane od ovlaštene osobe.

POSEBNA DOKUMENTACIJA:

Podrazumjeva obaveznu dokumentaciju koju podnose svi aplikanti po svakom pojedinačnom Programu, ukoliko je programom zahtjevana i obuhvata sljedeće dokumente:

1. Program: Subvencioniranje kamata po preuzetim kreditima

- a) Ugovor o kreditu sa komercijalnom bankom iz 2016.; 2017. i 2018. godine sa anuitetnim planom (plan otplate kredita) iz kojeg je jasno vidljiva namjena odobrenih kreditnih sredstava i EKS; i
- b) Potvrda banke o redovnoj otplati kredita sa obaveznim pregledom i ukupnim iznosom obračunatih i naplaćenih kamata za svaku godinu (2016./2017./2018. godina) za koju se traži subvencija dijela troškova kamate po osnovu kredita.

2. Program: Unapređenje institucijske preduzetničke infrastrukture

- a) Potpisan sporazum/memorandum o partnerstvu/ugovor i sl., koji jasno navodi partnere i njihovu ulogu u implementaciji projekta je obavezan ukoliko postoji takvo partnerstvo za realizaciju projekta, uključenost obrazovnih ili drugih institucija vezanih za realizaciju programa/projekta;
- b) Obavezno je dostaviti PROJEKAT/PROGRAM urađen prema svim traženim zahtjevima koji su navedeni u dijelu III tačka 1. stav b) Javnog poziva;
- c) Dokaz o posjedovanju projektne dokumentacije za tu namjenu ili da su u fazi izrade konačne projektne dokumentacije ili drugi relevantni dokaz iz kojeg je vidljivo da je projekat jedan od prioriteta definisan strategijom razvoja Kantona Sarajevo do 2020. godine; i
- d) Ovjerena Izjava aplikanta o osiguranom finansijskom učešću iz vlastitih ili drugih izvora finansiranja programa/projekta koje mora biti osigurano u vrijeme podnošenja zahtjeva.

3. Program: Poticaj u primjeni tehničkih normi i standarda kvalitete

- a) Ugovor sa konsultantskom organizacijom za 2016./ 2017. i/ili 2018. godini;
- b) Ugovor sa certifikacijskom ustanovom za predmetni certifikat uvođenja međunarodnih standarda (ISO, HACCP, HALAL; i drugih međunarodnih standarda)
- c) Naslovna strana i sadržaj Tehničkog fajla ((korisnik mora posjedovati kompletan Tehnički fajl - dosije sa svim pripadajućim procedurama, uputstvima i zapisima za osiguranje kvalitete proizvoda),



web: <http://mp.ks.gov.ba>
e-mail: mp@mp.ks.gov.ba
Tel: + 387 (0) 33 562-121, + 387 (0) 33 562-122
Fax: + 387 (0) 33 562-226
Sarajevo, Reisa Džemaludina Čauševića 1



zbog obimnosti ne mora se dostavljati kompletan, nego samo navedeni dio s tim da je korisnik samo po zahtjevu Ministarstva obavezan dostaviti kompletan Tehnički fajl;

d) Ugovor sa certifikacijskom ustanovom ili Ugovor/sporazum o korištenju dokumentacije o ispitivanju u sklopu postupka osiguranja CE znaka u 2016./ 2017. i/ili 2018. godini;

e) Certifikat izdat od ovlaštene certifikacijske organizacije u 2016./ 2017. i/ili 2018. godini;

f) Ugovori ili računi i izvodi sa banke kojima se dokazuje da je izvršeno plaćanje za predmetnu namjenu po dostavljenim ugovorima ili računima ili odgovarajući predračuni, ponude i drugi relevantni dokazi po osnovu kojih je tražen poticaj;

g) EU izjava o usaglašenosti, za subjekte koji su osigurali CE znak u 2016./ 2017. i/ili 2018. godini;

h) U skladu sa Zakonom o profesionalnoj rehabilitaciji, osposobljavanju i zapošljavanju osoba s invaliditetom ("Službene novine FBiH", broj 9/10) nalaz, ocjena i mišljenje Instituta za medicinsko vještačenje izdato u periodu od 2007. godine do danas ili rješenje centra za socijalni rad izdato na osnovu nalaza i mišljenja Instituta za medicinsko vještačenje (original ili ovjerena kopija) i

i) Na zahtjev Ministarstva privrede druga relevantna dokumentacija.

4. Program: Unaprjeđenje rada udruženja obrtnika

a) Dokument o organizovanosti i broju članova udruženja;

b) Kod nadležnog organa ovjerena Izjava o planiranom broju učesnika u programu/projektu;

c) Pisana saglasnost odgovarajućeg organa/institucije ukoliko se projekat implementira u saradnji sa obrazovnim ili drugim institucijama;

d) Obavezno je dostaviti PROJEKAT/PROGRAM urađen prema svim traženim zahtjevima koji su navedeni u dijelu III tačka 1. stav b) Javnog poziva; i

e) Dokaz o partnerstvu. Partneri mogu biti javne ustanove, nevladine organizacije i privatni sektor, s tim da se partnerstvo sa jedinicama lokalne samouprave, drugim općinama ili gradovima, nevladinim ili privatnim sektorom dodatno boduje prilikom ocjenjivanja projektnih prijedloga.

5. Program: Stari zanati - Subvencija troškova nabavke osnovnog materijala, alata i sl.

a) Rješenje Porezne uprave o utvrđivanju plaćanja paušalnog poreza na dohodak;

b) Potvrda izdata od strane Obrtničke Komore Kantona Sarajevo o članstvu u OKKS, vremenu trajanja obrta i uredno izmirenom obavezom po osnovu članarine u OKKS za posljednji mjesec od dana objavljivanja Obavještenja o javnom pozivu; i

c) Ugovori ili računi i izvodi sa banke kojima se dokazuje da je izvršeno plaćanje za predmetnu namjenu po dostavljenim ugovorima ili računima ili odgovarajući predračuni, ponude i drugi relevantni dokazi po osnovu kojih je tražen poticaj.

6. Program: Poticaj novoosnovanim – start up subjektima male privrede

a) Računi ili ugovori kojima se dokazuje namjensko korištenje sredstava u skladu sa namjenom utroška poticajnih grant sredstava za ovu poticajnu mjeru (tačka II.6. Javnog poziva);

b) Dokaz o podmirenju računa ili ugovora (izvodi iz banke) kojima se dokazuje da je izvršeno plaćanje za predmetnu namjenu po dostavljenim računima ili ugovorima;

c) fotodokumentaciju mašina, postrojenja, opreme koja je nabavljena ili prostora koji je uređen; i

d) U skladu sa Zakonom o profesionalnoj rehabilitaciji, osposobljavanju i zapošljavanju osoba s invaliditetom ("Službene novine FBiH", broj 9/10) nalaz, ocjena i mišljenje Instituta za medicinsko vještačenje izdato u periodu od 2007. godine ili rješenje centra za socijalni rad izdato na osnovu navedenog nalaza i mišljenja Instituta za medicinsko vještačenje (original ili ovjerena kopija).



web: <http://mp.ks.gov.ba>
e-mail: mp@mp.ks.gov.ba
Tel: + 387 (0) 33 562-121, + 387 (0) 33 562-122
Fax: + 387 (0) 33 562-226
Sarajevo, Reisa Džemaludina Čauševića 1



7. Program: Poticaj razvoja ženskog preduzetništva

- a) Računi ili ugovori kojima se dokazuje namjensko korištenje sredstava u skladu sa namjenom utroška poticajnih grant sredstava za ovu poticajnu mjeru (tačka II.7. Javnog poziva);
- b) Dokaz o podmirenju računa ili ugovora (izvodi iz banke) kojima se dokazuje da je izvršeno plaćanje za predmetnu namjenu po dostavljenim računima ili ugovorima; i
- c) fotodokumentaciju mašina, postrojenja, opreme koja je nabavljena ili prostora koji je uređen.

8. Program: Poticaj za unaprjeđenje IT preduzetništva

- a) Ovjerena izjava i/ili drugi dokazi o posjedovanju ili zakupu prostora i opreme navedene u kriterijima za izbor korisnika poticajnih grant sredstava (tačka II.8. Javnog poziva);
- b) Obavezno je dostaviti PROJEKAT/PROGRAM urađen prema svim traženim zahtjevima koji su navedeni u dijelu III tačka 1. stav b) Javnog poziva;
- c) Pisana saglasnost odgovarajućeg organa/institucije ukoliko se projekat implementira u saradnji sa obrazovnim ili drugim institucijama; i
- c) Dokument o organizovanosti, broju i kvalifikacionoj strukturi uposlenih i angažovanih lica u provedbi projekta – ovjerena Izjava aplikanta.

9. Program: Pružanje stručne i savjetodavne pomoći za subjekte male privrede

- a) Dokument o organizovanosti, broju i kvalifikacionoj strukturi uposlenih i angažovanih lica u provedbi projekta – ovjerena Izjava aplikanta;
- b) Obavezno je dostaviti PROJEKAT/PROGRAM urađen prema svim traženim zahtjevima koji su navedeni u dijelu III tačka 1. stav b) Javnog poziva;
- c) Ovjerena izjava o broju učesnika u programu/projektu i planiranom broju mladih osoba starosti do 35 godina koji će koristiti ovu vrstu usluga i obuka u organizaciji aplikanta; i
- d) Potpisan i ovjeren ugovor/sporazum/memorandum ili pisana saglasnost odgovarajućeg organa/institucije kojim se dokazuje da obrazovna ili druga institucija učestvuje u realizaciji projekta.

10. Program: Podrška razvoju kreativne industrije

- a) Dokument o organizovanosti i broju članova udruženja;
- b) Obavezno je dostaviti PROJEKAT/PROGRAM urađen prema svim traženim zahtjevima koji su navedeni u dijelu III tačka 1. stav b) Javnog poziva;
- c) Računi ili ugovori kojima se dokazuje namjensko korištenje sredstava u skladu sa namjenom utroška poticajnih grant sredstava za ovu poticajnu mjeru (tačka II.10. Javnog poziva); i
- d) Dokaz o podmirenju računa ili ugovora (izvodi iz banke) kojima se dokazuje da je izvršeno plaćanje za predmetnu namjenu po dostavljenim računima ili ugovorima.

IV ROK ZA PODNOŠENJE ZAHTJEVA NA JAVNI POZIV

Rok za dostavljanje prijave je 30 (trideset) dana od dana objave Obavještenja o Javnom pozivu u "Službenim novinama Kantona Sarajevo". Prijave primljene nakon isteka roka neće biti uzete u razmatranje. Javni poziv i prijavni obrasci objavljeni su na web stranicama Vlade Kantona Sarajevo <http://vlada.ks.gov.ba> i Ministarstva <http://mp.ks.gov.ba/>.



web: <http://mp.ks.gov.ba>
e-mail: mp@mp.ks.gov.ba
Tel: + 387 (0) 33 562-121, + 387 (0) 33 562-122
Fax: + 387 (0) 33 562-226
Sarajevo, Reisa Džemaludina Čauševića 1



V MJESTO I NAČIN PODNOŠENJA ZAHTJEVA

Prijave se podnose u zatvorenoj koverti direktno na protokol Kantona Sarajevo ili preporučeno putem pošte na adresu: Ministarstvo privrede Kantona Sarajevo, ulica Reisa Džemaludina Čauševića broj 1, sa naznakom "Ne otvarati - po Javnom pozivu za "Poticaj razvoju male privrede" Program broj: ___ (navesti broj i naziv programa). Na poleđini koverte obavezno se navodi naziv podnosioca prijave, adresa i kontakt telefon, te se ovjerava pečatom.

VI OCJENA I IZBOR KORISNIKA

Kriteriji za izbor korisnika poticajnih grant sredstava utvrđeni su Pravilnikom, Programom utroška sredstava i javnim pozivom. Komisija razmatra dostavljene zahtjeve, programe/projekte i dokumentaciju propisanu Javnim pozivom, te na osnovu utvrđenih kriterija, Pravilnika i poslovnika o radu sačinjava prijedlog korisnika i iznose sredstava. Ukoliko aplikanti podnesu zahtjeve, koji su nakon obrade u ukupnom iznosu veći od planiranog iznosa sredstava po pojedinom programu, Komisija može donijeti prijedlog Odluke da se svim aplikantima koji ispunjavaju tražene uslove odobre poticajna sredstva srazmjerno ukupnim planiranim sredstvima za ovaj Program. Prijedlog Odluke o izboru korisnika poticajnih grant sredstava utvrđuje ministar Ministarstva privrede, a Odluku donosi Vlada Kantona Sarajevo.

VII OSTALE ODREDBE

Sa odabranim korisnicima Ministarstvo privrede u skladu sa članom 16. navedenog Pravilnika zaključuje pojedinačne ugovore, nakon čega se sredstva doznačavaju na transakcijske račune korisnika. U skladu sa ugovorom korisnici sredstava dužni su u roku i na način propisan ugovorom za sve aktivnosti dostaviti Izvještaj sa traženim dokazima o namjenskom utrošku sredstava doznačenih iz budžeta. Ukoliko se nakon zaključivanja ugovora utvrdi da je došlo do povrede Zakona, propisa donesenih za njegovo provođenje i ostalih odredbi Ugovora, Ministarstvo će postupiti u skladu sa čl. 17. i 18. Pravilnika o postupcima u provođenju Programa razvoja male privrede ("Službene novine Kantona Sarajevo", br. 17/16, 30/16, 42/16 i 21/17). U postupku po Javnom pozivu Ministarstvo zadržava pravo da programe/projekte aplikantata prihvati u cijelosti, djelomično, ili ih odbije, te da poništi Javni poziv, ili da odbaci sve programe/projekte, u bilo koje vrijeme prije zaključenja ugovora. Ministarstvo ne snosi odgovornost prema učesnicima Javnog poziva, u pogledu aktivnosti koje su preduzeli u cilju apliciranja za određeni program. Podnosiocu prijave koja udovoljava formalno-pravnim uslovima iz Javnog poziva, a koji bude odbijen zbog nedovoljnih sredstava, ili slabijeg kvaliteta ponuđenog programa/projekta, na njegov pismeni zahtjev Ministarstvo će obrazložiti razloge zbog kojih isti nije rangiran. Prispjela dokumentacija se ne vraća podnosiocu prijave. Sve dodatne informacije mogu se dobiti putem telefona: 033/ 562 119.

MINISTAR

mr. sci. Haris Bašić



web: <http://mp.ks.gov.ba>
e-mail: mp@mp.ks.gov.ba
Tel: + 387 (0) 33 562-121, + 387 (0) 33 562-122
Fax: + 387 (0) 33 562-226
Sarajevo, Reisa Džemaludina Čauševića 1

